

## Дурдона Лутфуллаева



Дурдона Лутфуллаева 1965 йилнинг декабрида Тошкент шаҳрида туғилди. Отаси – Ўзбекистон халқ хофизи Эсон Лутфуллаев фарзандларининг руҳиятига мумтоз санъат, халқ оғзаки ижоди, она тили, миллий кадриятларга кучли муҳаббатни синдириб улғайтирди. Тошкент шаҳридаги 236-мактабни битаириб, Тошкент Давлат университети (ҳозирги ЎзМУ) нинг ўзбек филологияси факультетига ўқишга кирди. 1988 йилда университетни имтиёзли диплом билан битаириб, йўлланма асосида Тошкент вилояти Давлат педагогика институти ўзбек тили ва адабиёти факультетида ўқитувчилик фаолиятини бошлади. 1991-94 йилларда Тошкент Давлат университети аспирантурасида таҳсил олди. 1997 йилда профессор Карим Назаров раҳбарлигида “Тасдиқ гапларда инкор ва шаклий – мазмуний номувофиклик” мавзусида номзодлик диссертациясини ёклади. Филология фанлари номзоди илмий даражасини олди. 2006 йилда профессор А.Нурмонов раҳбарлигида “Тапнинг семантик-синтактик қурилиш қолипи ва пропозитив структураси ўртасидаги муносабат (Ўзбек тилидаги йўқлик-мавжудлик белгилари асосида зидланувчи гаплар мисолида)” мавзусида докторлик диссертациясини химоя қилди.

2006 йилдан Тошкент вилояти Давлат педагогика институти “Ўзбек тили ва уни ўқитиш методикаси” кафедраси мудири лавозимида ишлаган. Ҳозирги кунда Алишер Навоий номидаги Ўзбек тили ва адабиёти университетида профессор лавозимида фаолият юритади.

- 1997** Тасдиқ гапларда шаклий-мазмуний номувофиқлик. Монография., Т., “Фан”
- 2004** Ҳозирги ўзбек адабий тили. Синтаксис (Маърузалар матни). – Ангрен
- 2005** Ўзбек тилининг имло муаммолари. (Маърузалар матни ва амалий машғулотлар ишланмаси). – Ангрен  
Нутқ маданияти. (Маърузалар матни ва амалий машғулотлар ишланмаси). – Ангрен  
Гапнинг семантик-синтактик қолиплаштириш асослари. Монография., Т., “Фан”
- 2008** Синтаксисдан амалий топшириқлар тизими. Услубий қўлланма., Т., “Янги аср авлоди”  
Гап қурилиш қолипи ва позитив структураси ўртасидаги муносабат. Ўқув қўлланма., Т., ТДПУ.